

Fuengz Bingh Mbouj Lau Nit

雨中抗疫不怕寒

□ Vangz Civeij / 黄志伟

Ngamq daengz cieng coloeg,
Roegga gwnzmbwn heuh,
Binghraq caen dwg euq,
Youh deuz daengz Baksae.

Fwn doek rumz youh boq,
Gyoet daengz hoz lienz din,
Daeuzmbanj mbouj ndaej ninz,
Daiq bing bae dawz geuq.

Daihagseng ngamq dauq,
Haucu bae re bingh,
Daej geu majgyaz nding,
Minghlingh daengz couh buet.

Roengz mbanj rau dijvnh,
Daengz gyanghwnz cij dauq,
Fwn doek roen youh hauz(raeuz),
Gvauh laemxhoemj laemxhai.

Dawz geuq youq ndaw fwn,
Gwq ndwn mbouj ndaej naengh,
Okdou bohme daengq,
Caenhrengz vih lwgminz.

Binghraq riengz cin dauq,
Lingjdauj gig yawjnaek,
Heuh daengx aen Baksae,
Fungsae mbouj doeng loh.

Baksae binghraq haenq,
Seiqfueng gaenq daeuj riengz,
Dajdingh dwg ngoenz cieng,
Canghyw ciuqyiengh daeuj.

Canghyw daengz mbanj raeuz,
Couh daeuj guh hwzsonh,
Vih lwgminz an'onj,
Mbouj ndaej ninz donq imq.

Canghyw daenj buhhau,
Caen sau lumj va'maenj,
Guhhong bouboux gaenx,
Baenzlawz mbouj ndaej haenh.

Boux fuengzbingh dwgrengz,
Hwnj geng youh roengz lingq,
Vih vunz lai yw bingh,
Aeu mingh bae doxgoq.

Vunz lai caen gamjdoengh,
Soengq bit gaeq nohmou,
Bouxgeq soengq haeux youz,
Lwgnyez couh soengq va.

Dujva gaem gyangfwngz,
Canghyw mwngz mbouj daej,
Vih lwgminz guh saeh,
Bouboux maeh daengz mwngz.

Fuengz bingh mbouj lau nit,
Nditndat sikhaek daengz,
Rumzcin boq baihlaeng,
Daengngoengz ronghsagsag.

Baksae ndaej gej fung,
Siet doeng menhmenh vaq,
Canghyw doiq baema,
Raemxda lae mbouj dingz.

Fuengzre Binghraq

Itdingh Hoenx Ndaej Hingz

一定会胜利

□ Guj Gyah / 古佳

Gak boux au dingq ndei,
Seizneix miz binghraq,
Guekgya miz lingh gvaq,
Caez dingq vah aendangj.

Binghdoeg neix fouz ngauez,
Mbouj rox daeuj saek seiz,
Gag roxnyinh lij ndei,
Mbouj ngeix naeuz miz bingh.

Seizneix dangj haucou,
Aeu gauj ndei fuengzre,
Mbouj dwg vah lexhe,
Mbouj re mwngz couh raen.

Hojgyanq raeuz mbouj lau,
Ngamq lau binghraq daeuj,
Youq ranz denz goemq gyaeuj,
Binghdoeg hix mbouj nai.

Beixnuengx caiq doxgyaez,
Hujgeiq caiq doxheuh,
Gaej comz youq giz ndeu,
Deuz binghdoeg gaxgonq.

Miz saeh yaek okrog,
Aeu gyok ndei goujcau,
Bae caeuz vunz doxgyau,
Cij mbouj lau dawz bingh.

Gij bingh neix yak lai,
Daihgya au haeujsim,
Miz cien ngaenz fanh gim,
Cawx diuz mingh mbouj dauq.

Fuengzre cei q gaenjaeu,
Baengh gyoengq raeuz vunz lai,
Bouboux hengzdoengh vaiq,
Daihgya cij bingzan.

Hong fuengzre nyaengq lai,
Canghyw baij daeuj daengz,
Doxgaiq fuengzre caeng,
Binghraq daeng ndaej cawz.

Ganbu cungj doxceng,
Ok faenh rengz bangcoh,
Fwn rumz nit mbouj goq,
Cij vih hoh vunz lai.

Ndwencieng mbouj caengz gvaq,
Binghraq couh fuk daeuj,
Fung dieg mbouj okhaeuj,
Genj ok couh bae yw.

Binghraq mbouj caengz gvaq,
Daihgya mbouj cuengqsoeng,
Bouboux sim doxdoengz,
Itdingh hoenx ndaej hingz.

“Aen cawjeiq mwngz ndei bw.”
“Yienghneix vihmaz mbouj bae ne? Ga mwngz hix goj ndaej caiq yw ndei.”

“Yanggangj! Deng lo, baenz-baenz gou cungj au bae.”

“Vihmaz mbouj caeuxdi bae ne? Gij haemzhoj baenzlai bi mwngz hix gwn gaeuq luba.”

“Mbouj, seizneix gou mbouj ndaej bae.”

“Seizlawz cij bae?”

“Gou au deq——Mbouj, gou lainoix miz di sij mbouj ndaej lizhai Mbanjgyaeujdah. Daj lij iq couh youq gizneix majhung, caemx ndawdah, raih gwnz namh, mbouj miz saek boux vunz mbouj roxnaj, mbouj miz saek go faex mbouj bin gvaq, baez lizbae, doeklaeng yaek siengj caiq dauqma, couh……”

“Mwngz sij mbouj ndaej lizbae, caiqlix youh gvaq gvenq cungj saedceij neix, couh gaej bae lo!” Gou mbouj gienq de lizhai mbanjranz lo, maqmuengh de ndaej ce youq, gou

lij miz boux vunz chung he ndaej ciengzseiz gangjriu guhcaemz, miuh-saenzvangz hix miz vunz baet, cungj beij mbouj miz de ndei lai lo.

“Doeklaeng menh gangj ba——Bae, fwn daengx lo, gou soengq mwngz maranz.”

Gou ndwn hwnjdaej lo, lumh-laep byaij coh bakdou, de baez ragrag genfwngz gou, oet aen doxgaiq ndeu haeuj ndaw fwngz gou, yenzlai dwg aenlamz.

Baihrog, fwn daengx lo, dauq-cawq cungj dwg raemxfwn yiengj “vava” lae dwk, gizgyae gig mumj-gyumq, gij gumz gwnz roen ingj ndaej

gij rongh myox ronghndwen. Aulungz-gveiz byaij youq baihnaj, gou yamq diuq yamq yat riengz youq baihlaeng, caeklaiq loh din, yaemh youq ndaw gumz, dauqfanj nyinhnaeuz sangj-swtswt caemhcai q gig ndeimahez.

Gvaengz gvaq goengq bya iq, gou ngeix hwnj gij vah haxbaenh de daengq gou, yienz naeuz dapwngq de lwnh gij goj hawj daiq gou, hoeng vihmaz de mbouj gag bae lwnh ne?

“Aulungz gveiz, ngoenz cog mwngz daeuj ranz gou, baenz lwi?”

“Guh maz?”

“Mwngz gag lwnh gij goj mwngz hawj daiq gou ha.”

“Mbouj, mbouj, gou lwnh mbouj ok! Haemhneix danghnaeuz mbouj dwg aenvih gou gwn laeuj lo, hw, mwngz hix gaej siengj ndaejnyi gij goj gou ne.”

“Boux vunz mwngz caen geiz-heih!”

“Geizheih? Hahaha……”

Gij sing riuhaha youq ndaw ndoengfaexnganx hap, din gou deng ragfaex gaz baez ndeu, saemxsax bongh baenaj, caeklaiq ndang Aulungz gveiz sangset ndaej dingj gou, gou cij mbouj deng laemx.

(caengz sat)

· Sawcuenhraz Lwgnyez ·

Gij Golwngnyez Henz Dahhoengz

红水谣

□ Lanz Haijyangz Moz Beibei / 蓝海洋 莫蓓蓓

“Aen cawjeiq mwngz ndei bw.”
“Yienghneix vihmaz mbouj bae ne? Ga mwngz hix goj ndaej caiq yw ndei.”
“Yanggangj! Deng lo, baenz-baenz gou cungj au bae.”
“Vihmaz mbouj caeuxdi bae ne? Gij haemzhoj baenzlai bi mwngz hix gwn gaeuq luba.”
“Mbouj, seizneix gou mbouj ndaej bae.”
“Seizlawz cij bae?”
“Gou au deq——Mbouj, gou lainoix miz di sij mbouj ndaej lizhai Mbanjgyaeujdah. Daj lij iq couh youq gizneix majhung, caemx ndawdah, raih gwnz namh, mbouj miz saek boux vunz mbouj roxnaj, mbouj miz saek go faex mbouj bin gvaq, baez lizbae, doeklaeng yaek siengj caiq dauqma, couh……”
“Mwngz sij mbouj ndaej lizbae, caiqlix youh gvaq gvenq cungj saedceij neix, couh gaej bae lo!” Gou mbouj gienq de lizhai mbanjranz lo, maqmuengh de ndaej ce youq, gou

lij miz boux vunz chung he ndaej ciengzseiz gangjriu guhcaemz, miuh-saenzvangz hix miz vunz baet, cungj beij mbouj miz de ndei lai lo.
“Doeklaeng menh gangj ba——Bae, fwn daengx lo, gou soengq mwngz maranz.”
Gou ndwn hwnjdaej lo, lumh-laep byaij coh bakdou, de baez ragrag genfwngz gou, oet aen doxgaiq ndeu haeuj ndaw fwngz gou, yenzlai dwg aenlamz.
Baihrog, fwn daengx lo, dauq-cawq cungj dwg raemxfwn yiengj “vava” lae dwk, gizgyae gig mumj-gyumq, gij gumz gwnz roen ingj ndaej

gij rongh myox ronghndwen. Aulungz-gveiz byaij youq baihnaj, gou yamq diuq yamq yat riengz youq baihlaeng, caeklaiq loh din, yaemh youq ndaw gumz, dauqfanj nyinhnaeuz sangj-swtswt caemhcai q gig ndeimahez.
Gvaengz gvaq goengq bya iq, gou ngeix hwnj gij vah haxbaenh de daengq gou, yienz naeuz dapwngq de lwnh gij goj hawj daiq gou, hoeng vihmaz de mbouj gag bae lwnh ne?
“Aulungz gveiz, ngoenz cog mwngz daeuj ranz gou, baenz lwi?”
“Guh maz?”
“Mwngz gag lwnh gij goj mwngz hawj daiq gou ha.”

“Mbouj, mbouj, gou lwnh mbouj ok! Haemhneix danghnaeuz mbouj dwg aenvih gou gwn laeuj lo, hw, mwngz hix gaej siengj ndaejnyi gij goj gou ne.”
“Boux vunz mwngz caen geiz-heih!”
“Geizheih? Hahaha……”
Gij sing riuhaha youq ndaw ndoengfaexnganx hap, din gou deng ragfaex gaz baez ndeu, saemxsax bongh baenaj, caeklaiq ndang Aulungz gveiz sangset ndaej dingj gou, gou cij mbouj deng laemx.